



ORDENANZA FISCAL N° 3

ORDENANZA FISCAL DO IMPOSTO SOBRE VEHÍCULOS DE TRACCIÓN MECÁNICA

Artigo 1º

De conformidade co previsto no artigo 96.4 da Lei 39/1988, de 28 de decembro, reguladora das Facendas Locais, o coeficiente de incremento das cotas do Imposto sobre Vehículos de Tracción Mecánica aplicable neste Municipio queda fixado segundo o Anexo a esta Ordenanza.

Artigo 2º

O pago do imposto acreditarase mediante recibo tributario.

Artigo 3º

1- No caso de primeiras adquisicións dun vehículo ou cando estes se reformen de maneira que se altere a súa clasificación a efectos do presente imposto, os suxeitos pasivos presentarán ante a oficina xestora correspondente, no prazo de trinta días a contar dende a data da adquisición ou reforma, declaración por este imposto segundo modelo aprobado por este Concello ó que se acompañará a documentación acreditativa da compra ou modificación, certificado das súas características e o Documento Nacional de Identidade ou Código de Identificación Fiscal do suxeito pasivo.

2- Ó mesmo tempo da presentación da declaración-liquidación a que se refire o apartado anterior, o suxeito pasivo ingresará o importe da cota do imposto resultante da mesma. Esta autoliquidación terá a consideración de liquidación provisional mentres que a oficina xestora non comprobe que a mesma se efectuou mediante a correcta aplicación das normas reguladoras do imposto.

Artigo 4º

1- No caso de vehículos xa matriculados ou declarados aptos para a circulación, o pago das cotas anuais do imposto realizarase dentro do primeiro semestre de cada exercicio.

2- No suposto regulado no apartado anterior, a recadación das correspondentes cotas realizarase mediante o sistema de padrón anual no que figurarán tódolos vehículos suxeitos ó imposto que estén inscritos no correspondente Rexistro Público a nome das persoas ou entidades domiciliadas neste termo municipal.

3- O padrón ou matrícula do imposto exporase ó público polo prazo de quince días para que os lexítimos interesados poidan examinalo e no seu caso, formular as reclamacións oportunas. A exposición ó público anunciarase no "Boletín Oficial da Provincia" e producirá os efectos de notificación da liquidación de cada un dos suxeitos pasivos.



Artigo 5º

1.- Estarán exentos do imposto:

- a) Os vehículos oficiais do Estado, Comunidades Autónomas e entidades locais adscritos á defensa nacional ou á seguridade cidadán.
- b) Os vehículos de representacións diplomáticas, oficinas consulares, axentes diplomáticos e funcionarios consulares de carreira acreditados en España, que sexan súbditos dos respectivos países, externamente identificados e a condición de reciprocidade na súa extensión e grao. Así mesmo, os vehículos dos organismos internacionais con sede ou oficina en España e dos seus funcionarios ou membros con estatuto diplomático.
- c) Os vehículos respecto dos que así se derive do disposto en tratados ou convenios internacionais.
- d) As Ambulancias e demais vehículos directamente destinados á asistencia sanitaria ou ó traslado de feridos ou enfermos.
- e) Os vehículos para persoas de mobilidade reducida a que se refire o apartado A do anexo II do Regulamento Xeral de Vehículos, aprobado por Real Decreto 2822/1998, do 23 de decembro.

Así mesmo, están exentos os vehículos matriculados a nome de persoas con discapacidade para o seu uso exclusivo. Esta exención aplicarase en tanto se manteñan ditas circunstancias, tanto aos vehículos conducidos por persoas con discapacidade como aos destinados ó seu transporte.

As exencións previstas nos parágrafos anteriores non resultarán aplicables aos suxeitos pasivos beneficiarios delas por máis dun vehículo simultaneamente.

A efectos do disposto neste parágrafo, consideraranse persoas con discapacidade aos que teñan esta condición legal en grao igual ou superior ao 33 por 100.

- f) Os autobuses, microbuses, e demais vehículos destinados ou adscritos ao servizo de transporte público urbano, sempre que teñan unha capacidade que exceda de nove prazas, incluída a do condutor.
- g) Os tractores, remolques, semirremolques e maquinaria provistos da Cartilla de Inspección Agrícola.

2.- Para poder aplicar as exencións a que se refiren os parágrafos e) e g) do apartado 1 deste artigo, os interesados deberán instar a súa concesión indicando as características do vehículo, a súa matrícula e a causa do beneficio. Declarada a exención pola Administración municipal, expedirase un documento que acredita a súa concesión.

En relación coa exención prevista no parágrafo e) do apartado 1 anterior, xunto coa solicitude de exención, as persoas con discapacidade que sexan suxeitos pasivos deberán achegar orixinais ou fotocopias compulsadas da seguinte documentación:

- a) Vehículo conducido por persoas con discapacidade:
 - Certificado do grao de discapacidade expedido pola Consellería competente da Xunta de



Galicia ou, no seu caso, polo órgano competente doutra Comunidade Autónoma ou da Administración do Estado, na que conste o grao e o carácter temporal ou definitivo da mesma.(ou, no seu caso Resolución a que se refire o apartado c) para o caso de ser pensionista)

- Permiso de condución (anverso e reverso)

- Permiso de circulación do vehículo para o que se solicita a exención, a nome da persoa con discapacidade.

- Póliza do seguro do vehículo na que figure a persoa con discapacidade como condutor do mesmo, debidamente asinada pola compañía de seguros e polo asegurado, así como o último recibo de pagamento a efectos de confirmar a vixencia da póliza.

- DNI ou documento que acredite fehacientemente a identidade do solicitante.

- Declaración responsable de que se trata dun vehículo destinado en exclusividade para o uso de persoa discapacitada.

b) Vehículos destinados ao transporte de persoas con discapacidade:

- Certificado do grao de discapacidade expedido pola Consellería competente da Xunta de Galicia, ou, no seu caso, polo órgano competente doutra Comunidade Autónoma ou da Administración do Estado, na que conste ademais do grao de discapacidade o carácter temporal ou definitivo da mesma e se a persoa discapacitada ten dificultades de mobilidade que lle impidan a utilización de transporte colectivo. (ou, no seu caso Resolución a que se refire o apartado c) para o caso de ser pensionista)

- Permiso de circulación do vehículo para o que se solicita a exención, a nome do discapacitado

- Póliza do seguro do vehículo a nome da persoa con discapacidade, debidamente asinada pola compañía de seguros e polo asegurado, así como o último recibo de pagamento a efectos de confirmar a vixencia da póliza.

- DNI ou documento que acredite fehacientemente a identidade do solicitante.

- Declaración responsable de que se trata dun vehículo destinado en exclusividade para o transporte de persoa discapacitada.

c) De acordo ao artigo 1 do Real Decreto 1414/2006, de 1 de decembro polo que se determina a consideración de persoa con discapacidade aos efectos da Lei 51/2003, de 2 de decembro, de igualdade de oportunidades, non discriminación e accesibilidade universal das persoas con discapacidade considéranse afectados/as por unha minusvalía en grao igual ou superior ao 33 por cento :

- Pensionistas de Seguridade Social que teñan recoñecida unha pensión de incapacidade permanente no grao de total, absoluta ou gran invalidez.

- Pensionistas de Clases Pasivas que teñan recoñecida unha pensión de xubilación ou retiro por incapacidade permanente para o servizo.

Para a acreditar o anterior será necesario presentar segundo o artigo 2 do Real Decreto 1414/2006:

- Resolución do Instituto Nacional da Seguridade Social (INSS) recoñecendo a condición de



pensionista por incapacidade permanente total, absoluta ou gran invalidez.

-Resolución do Ministerio de Economía, de Facenda ou de Defensa recoñecendo a pensión de xubilación ou retiro por incapacidade permanente.

3.- Gozarán dunha bonificación do 100 % da cota tributaria do imposto os vehículos históricos e aqueles que teñan unha antigüidade mínima de vinte e cinco anos contados a partir da data da súa fabricación; se esta non se coñecera, tomarase como tal a da súa primeira matriculación ou, no seu defecto, a data na que o correspondente tipo ou variante se deixou de fabricar.

A citada bonificación aplicarase de oficio por este Concello ou a entidade que, no seu lugar, exerza as funcións de xestión tributaria do imposto cando conste o requisito establecido no parágrafo anterior.

4.- A concesión dos beneficios fiscais contemplados neste artigo para os que sexa necesaria a instancia dos suxeitos pasivos, producirá os seus efectos no exercicio seguinte a aquel no que se presente a solicitude.

5.- Gozarán dunha bonificación do 25 por 100 na cuota incrementada do imposto, durante os catro anos seguintes ao da súa primeira matriculación, os titulares de vehículos eléctricos ou híbridos (motor eléctrico-gasolina, eléctrico-gasóleo ou eléctrico –gas) ou que utilicen gas natural comprimido ou metano, hidróxeno ou enerxía solar.

Para poder acceder a este beneficio fiscal será precisa a previa solicitude do interesado, acompañando copia do permiso de circulación e certificación de características técnicas do vehículo.

A concesión deste beneficio fiscal surtirá efectos a partir do exercicio seguinte a aquel no que se solicite, salvo que dita solicitude se presentara ante do 1 de febreiro e non se trate dun alta por primeira matriculación. Neste caso surtirá efectos no mesmo exercicio.

ANEXO

O Imposto sobre Vehículos de Tracción Mecánica esixirase, salvo que as Leis de Presupostos Xerais do Estado as modifiquen, con amaño ó seguinte cadro de tarifas:

TARIFAS

A) Turismos

De menos de 8 cabalos fiscais.....	12,62 €
De 8 hasta 11,99 cabalos fiscais.....	34,08 €
De 12 hasta 15,99 cabalos fiscais.....	71,94 €
De 16 hasta 19,99 cabalos fiscais.....	89,61 €
De 20 cabalos fiscais en diante	112,00 €

B) Autobuses



De menos de 21 prazas.....	83,30 €
De 21 a 50 prazas.....	118,64 €
De máis de 50 prazas	148,30 €

C) Camións

De menos de 1000 quilos de carga útil.....	42,28 €
De 1000 a 2.999 quilos de carga útil.....	83,30 €
De máis de 2.999 a 9.999 quilos de carga útil.....	118,64 €
De máis de 9.999 quilos de carga útil.....	148,30 €

D) Tractores

De menos de 16 cabalos fiscais.....	17,67 €
De 16 a 25 cabalos fiscais.....	27,77 €
De máis de 25 cabalos fiscais.....	83,30 €

E) Remolques e semirremolques arrastrados por
vehículos de tracción mecánica:

De menos de 1000 e mais de 750 quilos de carga útil.....	17,67 €
De 1000 a 2.999 quilos de carga útil.....	27,77 €
De máis de 2.999 quilos de carga útil.....	83,30 €

F) Outros vehículos:

Ciclomotores.....	4,42 €
Motocicletas de hasta 125 centímetros cúbicos.....	4,42 €
Motocicletas de máis de 125 hasta 250 centímetros cúbicos.....	7,57 €
Motocicletas de máis de 250 hasta 500 centímetros cúbicos.....	15,15 €
Motocicletas de máis de 500 hasta 1000 centímetros cúbicos.....	30,29 €
Motocicletas de máis de 1000 centímetros cúbicos.....	60,58 €

A estas cotas tributarias ou ás que no seu caso se establezan pola Lei de Presupostos Xerais do Estado, aplicaránselles os seguintes coeficientes de incremento:

Coeficientes de incremento

A) Turismos

De menos de 8 cabalos fiscais.....	1
De 8 hasta 11,99 cabalos fiscais.....	1
De 12 hasta 15,99 cabalos fiscais.....	1,13
De 16 hasta 19,99 cabalos fiscais.....	1,26
De 20 cabalos fiscais en diante	1,26

B) Autobuses

De menos de 21 prazas.....	1,26
De 21 a 50 prazas.....	1,26
De máis de 50 prazas	1,26

C) Camións

De menos de 1000 quilos de carga útil.....	1,13
De 1000 a 2.999 quilos de carga útil.....	1,13



De máis de 2.999 a 9.999 quilos de carga útil.....	1,26
De máis de 9.999 quilos de carga útil.....	1,26

D) Tractores

De menos de 16 cabalos fiscais.....	1,13
De 16 a 25 cabalos fiscais.....	1,13
De máis de 25 cabalos fiscais.....	1,13

E) Remolques e semirremolques arrastrados por
vehículos de tracción mecánica:

De menos de 1000 e mais de 750 quilos de carga útil.....	1,26
De 1000 a 2.999 quilos de carga útil.....	1,26
De máis de 2.999 quilos de carga útil.....	1,26

F) Outros vehículos:

Ciclomotores.....	1,26
Motocicletas de hasta 125 centímetros cúbicos.....	1,26
Motocicletas de máis de 125 hasta 250 centímetros cúbicos.....	1,26
Motocicletas de máis de 250 hasta 500 centímetros cúbicos.....	1,26
Motocicletas de máis de 500 hasta 1000 centímetros cúbicos.....	1,26
Motocicletas de máis de 1000 centímetros cúbicos.....	1,26

DISPOSICIÓN FINAL

A presente modificación desta ordenanza fiscal, unha vez aprobada polo Pleno da Corporación e publicada no Boletín Oficial da Provincia, entrará en vigor a partir da data de publicación da súa redacción definitiva no Boletín Oficial da Provincia, e comezara a aplicarse a partir do 1 de xaneiro do 2018, permanecendo en vigor ata a súa modificación ou derogación expresa.

Aprobada no Pleno da Corporación de Lalín de data 27 de outubro de 2014 e publicada no Boletín Oficial da Provincia o 22 de decembro de 2014

Última modificación aprobada no Pleno da Corporación do Concello de Lalín do día 6 de novembro de 2017 publicada no BOP do 29 de decembro de 2017.

O alcalde,

Asdo.: Rafael Luis Cuiña Aparicio